


AWIG - AWIG

DESA ADAT PASUT



**DESA MUNDEH, KECAMATAN SELEMADEG
KABUPATEN DATI II TABANAN**



MAKNA LAMBANG :

1. SEGI LIMA : Nyihnayang nyungkemin Pancasila.
2. TUNJUNG/TERATAI : Nyihnayang kesucian (keagunan Sang Hyang Widhi).
3. CANDI BENTAR : Nyihnayang Budaya Agama Hindu.
4. KOMOSAKSI/DAKSINA : Derada bakti penyihnayang.
5. PITA KUNING : Nyihnayang Kerta Raharja.
6. TRI DHARMA CEWAKA : Ngutsahayang 3 (tiga) tatujon dasar (pokok) inggih punika :
 1. Bakti ring Sang Hyang Widhi.
 2. Sagilik-saguluk ring para warga sami
 3. Ngelestariang sedaging jagat sami.

PIDAGING

MAKA DANTANG AWIG-AWIG DESA ADAT PASUT

MURDA CITTA

SARGA	I	ARAN LAN WEWIDANGAN	1
SARGA	II	PETITIS LAN PAMIKUKUH	2
SARGA	III	SUKERTA TATA PAKRAMAN	3
		Palet 1. Indik Kerama	3
		Palet 2. Indik Dulun/Prajuru Desa	5
		Palet 3. Indik Kulkul	7
		Palet 4. Indik Paruman	8
		Palet 5. Indik Druwen Desa	9
		Palet 6. Sukerta Pamitegep	10
		Kaping 1. Karang, Tegal lan Carik .	10
		Kaping 2. Pepayonan	11
		Kaping 3. Wewangunan	12
		Kaping 4. Wewalungan	12
		Kaping 5. Bhaya	13
		Kaping 6. Penyanggran Banjar	13
SARGA	IV	SUKERTA TATA AGAMA	14
		Palet 1. Indik Dewa Yadnya	14
		Palet 2. Indik Rsi Yadnya	18
		Palet 3. Indik Pitra Yadnya	19
		Palet 4. Indik Manusa Yadnya	22
		Palet 5. Indik Bhuta Yadnya	23

SARGA V	SUKERTA TATA PAWONGAN	25
	Palet 1. Indik Pawiwahan	25
	Palet 2. Indik Sentana	25
	Palet 3. Indik Warisan	26
SARGA VI	WICARA LAN PAMINDANDA	27
	Palet 1. Indik Wicara	27
	Palet 2. Pamindanda	27
SARGA VII	NGUWAH NGUWUHIN AWIG-AWIG	28
SARGA VIII	P E N U T U P	29

MURDHA WAKYA

OM SWASTI ASTU, OM AWIGHNAMASTU NAMA SIDHAM

Malarapan panghyaning kalih paswecan Ida Sang Hyang Parama Kawi, sampun asung kerta wara nugraha ngawentenang kahuripan sekala-niskala ring Bhuwana Alit lan Bhuwana Agung maka don kewastanin Bhuwana kalih, ngastuti ngerajegang tata susila, tata krama, sane mawit saking sinar suci Agama Hindu, mapuger antuk Pancasila lan Undang-Undang Dasar 1945 mapagamel Tri Hita Karana, Tri Rna, Tri Semaya lan Catur Dresta. Titiang Krama Adat Pasut mapidabdab namesang tulung tumulung, pasilih asih, gumanti ngemangguhang sukerta, trepti tur rahajeng ring desa pakraman lan pawongannya sowang-sowang, kandugi mangararemin kalih nyungkemin Awig-Awig sane kemanggehang ring sawewengkon wawidangan krama Desa Adat Pasut, sekadi sane kawedar ring sor puniki.

SARGA I

ARAN LAN WAWIDANGAN DESA

Pawos 1

1. Desa Adat puniki mewasta Desa Adat Pasut.
2. Desa puniki kesungkemin 4 tempekan inggih punika :
 - a. Pakuaji
 - b. Empag
 - c. Pasut
 - d. Cantel

Pawos 2

Wewidangan Desa puniki watesnya nyatur Desa luire :

- a. Sisi kaler : Desa Adat Mundeh
- b. Sisi kangin : Tukad Jangulan
- c. Sisi kelod : Alas Gede
- d. Sisi kawuh : Alas Gede

SARGA II

PATITIS LAN PAMIKUKUH

Pawos 3

Desa Adat Pasut puniki ngemanggehang dasar :

- a. Pancasila lan Undang-Undang Dasar 1945
- b. Tri Hita Krana
- c. Pasilih asih lan pasuka dukan

Pawos 4

Munggwing patitis Desa Adat puniki luwir ipun :

- a. Ngrajegang Sang Hyang Agama Hindu
- b. Nginggilang tata susilaning pakraman

- c. Ngincepang karaharjan, pasukertan Desa, Pawongan
lan sapadruwennya sekala niskala.

SARGA III

SUKERTA TATA PAKRAMAN

Palet 1

Indik Krama Desa

Pawos 5

Sane sinanggeh Desa Adat :

1. Sang jumenek mapaumahan ring Desa Adat Pasut.
2. Ma Agama Hindu.
3. Nyungkemin Kahyangan Tiga.

Pawos 6

Kawit dados krama Desa Adat :

1. Mawiwit saking pawiwahan.
2. Sangkaning pakayunan lan pinunas ngeraga.

Pawos 7

Panumayan tedun makrama Adat, mawiwit saking pawiwahan
sesampun makala-kalaan/masakapan. Sang piwal ring indike
inucap keni denda manut ring pararem.

Pawos 8

Sehananing Krama Adat keni tetegenan (ayah-ayahan) luwire :

1. Krama sane jangkep (lanang istri) keni ayahan miwah
urunan sawungkul saking krama ngarep.
2. Krama sane balu keni ayahan lan urunan kasulurang
manut pararem.

Pawos 9

Pengayah dados ngerereh penyade :

1. Ring sang sampun deha teruna utawi mayusa 17 (pitulas) tiban.
2. Sang dados ngerereh penyade :
 - a. Sedek ngelaksanayang tugas Negara.
 - b. Perade wenten pari indik sane tios kasulurang manut pararem.

Pawos 10

Leluputan ayahan lan papeson (reramon) luwire :

1. Prajuru Desa Adat, luput papeson (reramon).
2. Pemangku Tri Kahyangan, Pemangku Kahyangan Desa, luput papeson (reramon).
3. Sang sane kepadaman, memakuh lan sehanan punika luput ayahan kemaon.
4. Krama sane putung, ruyud, kesakitan tan ketambahan, kasulurang manut pararem.

Pawos 11

Krama sane nampi tamiu miwah sang sane sinanggeh tamiu swadarmannya luwire :

1. Magenah kalih rahine wengi lintang, krama sane katumpangin patut mesadok ring Prajuru Adat.
2. Ngarereh pangupa jiwa lan jenek ring wawidangan Desa Adat suwenipun lintang ring tigang dasa (30) rahine, patut medana punia sane ageng alitnya manut pararem.

3. Sang sane nampi tamu, sane ngalinyokin keni denda sane ageng alitnya manut pararem.
4. Sang sane matilar sadurung tetegenannya patut, tetegenan inucap kapitetehang ring sang ngajak tamu punika.
5. Sang merage tamu sane setinut ring swadarmaning tamu sekadi ring ajeng, polih pasayuban saking Krama Adat.

Pawos 12

Wusan dados Krama Adat luwire :

1. Sangkaning pinunas ngeraga.
2. Kanoroyang.
3. Sang sane wusan makrame Adat tan polih pah-pahan saking padruwen Desa Adat.
4. Tata cara pelaksanaan wusan makrama Adat utawi kanoroyang kasulurang manut pararem.

Palet 2

Prajuru / Dulu-Dulu

Pawos 13

Desa Adat puniki kaenter antuk :

1. Bendesa Adat maka panua lan pangukuh ring Desa Adat.
2. Penyanggra Bendesa Adat luwir ipun :
 - a. Pengliman pinaka wakil Bendesa Adat
 - b. Penyarikan pinaka juru surat

- c. Patengen maka pangemon padruwen Desa
- d. Juru arah
- e. Ngadegang Bendesa Adat sekadi ring ajeng mawiwit saking pamilihan sejeroning pararem.

Pawos 14

Bendesa Adat miwah Prajuru Adat patut :

1. Mawiwit saking krama ngarep.
2. Kaadegang melarapan pamilihan.
3. Maduluran atur piuning ring Pura Desa.
4. Sajeroning ngenterang pasukertan niskala, Bendesa Adat mesinggihang Pamangku Kahyangan Desa.

Pawos 15

Swadarmaning Prajuru Adat luwire :

1. Ngenterang pemargin sedaging awig-awig miwah pararem Desa Adat.
2. Nuntun kalih ngenterang Krama Desa ngupadi sukertan Desa antuk patitis.
3. Mawosin kalih niwakang pamutus arep ring wicara Krama Adat kapikukuh antuk pararem.
4. Maka duta matemuang bawos ring sape sire ugi.
5. Perade Bendesa Adat/Prajuru Adat iwang laksana, keni denda manut pararem.

Pawos 16

Olih-olihan Prajuru Adat luwire :

1. Polih pahan saking pikolihan Desa.
2. Lan sewosan sane patut manut pararem.

Pawos 17

Prajuru Desa Adat kagentosin riantukan :

1. Seda.
2. Wit saking pinunas ngeraga.
3. Kanoroyang kasulurang manut pararem.
4. Uger-uger laminnya tigang warsa.

Palet 3

Indik Kulkul

Pawos 18

Tengeran suaran kulkul patut kepastika tur katedunin miwah kelaksanayang manut babuatannya luire :

1. Kulkul tedun ngayah : atulud; alon-gencang-alon.
2. Kulkul kelayu sekar : telung kalentungan ping tiga (tigang palet).
3. Kulkul baya pati : bulus ping tiga nikel.
4. Kulkul keni baya : tengeran bulus.
5. Tengeran kulkul tewosan manut wiguna kesulurang manut pararem.

Pawos 19

- (1). Kulkul Desa tan wenang katepak yening tan sangkaning pituduh Prajuru Adat, sejawaning tengeran kapanca baya
- (2). Sang nepak kulkul tan sangkaning pituduh Prajuru Adat patut digelis matur piuning maka bebuatan panepake ring Prajuru Adat.
- (3). Kulkul warga lan sekehe-sekehe tan kapatutang nyamanin kulkul Desa Adat.

- (4). Sapusire sane mamurug, keni danda kasulurang manut pararem.

Palet 4

Indik Paparuman

Pawos 20

- (1). Paruman kawentenang :
- a. Paruman ring ngawarsa.
 - b. Paruman ritatkala manut babuatannya.
 - c. Paruman Prajuru Adat manut wiguna.
- (2). Swadarmaning pamilet paparuman patut :
- a. Katedunin olih Krama Adat sami.
 - b. Parade tan praside utawi kapialangan patut atur piuning ring Prajuru Adat.
 - c. Mabusana Adat, kadulurin antuk upacara sejangkep nyane.

Pawos 21

Lumaksana lan pamutus paparuman luwire :

1. Paparuman preside kelaksanayang risampune katedunin olih lintangan ring atenge, saking Krama Adat, Macihne antuk penyacak.
2. Pamutus bawos kamanggehang parade :
 - a. Sehanan krama Desa Adat karihinin antuk pailen me Widhi Wedana manut pararem.
 - b. Kacumpuin lintangan ring atenge saking pamilet.

Pawos 22

Pasangkepan Prajuru Desa Adat patut :

1. Ngarincikang pangerencana, usaha Desa kapungkur.
2. Pamutus sangkepan Prajuru Adat patut kalimbakang paparuman Krama Adat.

Palet 5

Padruwen Desa

Pawos 23

Padruwen Krama Desa Adat luwire :

1. Kahyangan :
 - a. Kahyangan Tiga (Pura Puseh, Pura Desa, Pura Dalem).
 - b. Palinggih (Pempatan, Panteluan, Bale Subak Abian Bele Banjar).
2. Tanah / Karang ;
 - a. Tanah karang Pura Dalem, linggahnya 1,290 Ha.
Persil Nomor 11.
 - b. Tanah karang Pura Desa linggahnya 0,210 Ha.
Persil Nomor 7.

Pawos 24

Piolih-olihan Desa Adat luwire :

1. Saking pikolihan tanah laba.
2. Saking pikolihan panukun ayahan.
3. Saking urunan Krama Adat manut pararem.
4. Pikolihan sewosan sane patut.

Pawos 25

- (1). Pikolihan pamupon laba druwen Desa Adat, wenang kaenterang olih Prajuru Adat manut pararem.
- (2). Pikolihan kaanggen praben mamiara, mecikang kalih ngupakara among-amongan Desa Adat manut pararem.
- (3). Prajuru Adat makadi pangamong druwen Desa Adat natasang pari indik unjuk lungsur padruwen Desa Adat ring paparuman nyabran awarsa.
- (4). Sakaluiring druwen Desa Adat patut wenten ilikitannya.
- (5). Tan kawenangang ngadol, ngesahang, ngadeang padruwen Desa Adat, yan tan kasungkemin antuk Krama Desa Adat madasar antuk pararem.

Palet 6

Sukerta Pawitegep

Kaping 1

Karang, Tegal

Pawos 26

- (1). Krama Adat pangamong karang/karang paumahan patut ngewatesin karangnya.
- (2). Parade wenten taru tanem tuwuh tumbuh ring wates kaler wiyadin kangin, taru punika kadruweang olih sang madruwe wates.
- (3). Karang paumahan patut madruwe pamedalan karurung utawi kemargine, satunggil karang paumahan tan dados kabebeng.

Pawos 27

- (1). Soang-soang Krama Desa Adat sane karangnya madruwe telajakan, telajakan inucap patut kapiara olih sang nruweang karang.
- (2). Sapa sire ugi makarya ring pawatesan tan kapatutang ngawatuang rusak makadi ngalah-alah margi, karang lan sakancan tegak sane sinangguh suci.
- (3). Parade wenten pamargi mamurug sekadi ring ajeng, patut katiwakin denda manut pararem.

Kaping 2

Indik Pepayoman

Pawos 28

- (1). Krama Adat patut ngemanggehang lan ngewerdiang papayoman miwah tanem tuwuh sane ngawinang desane asri tur lestari.
- (2). Ngawit nandur tanem tuwuh/pepayoman, patut adepa agung ngajeroang saking wates, perade ngeliwat, wenang katiwakin sepat gantung.
- (3). Tetanduran inucap tan kawenangang ngungkulin utawi naonin penyanding, napi malih mayanin kapisaga.
- (4). Parade wenten pamargi mamurug sekadi ring ajeng, patut katiwakin denda manut pararem.

Kaping 3

Indik Wewangunan

Pawos 29

- (1). Wewangunan mangda ngangge Asta Bhumi miwah Asta Kosala Kosali tur nganutang ring dresta Desa.
- (2). Soang-soang ngewangun patut :
 - a. Sang pacang ngewangun parade ngenenin wates patut masadok ring penyanding pinih rihin.
 - b. Wangunan tan dados ngayobin utawi ngungkulin kapisaga.
- (3). Wewangun tan kapatutang :
 - a. Ngawetuang kerusakan arep ring pisaga/anak lianan.
 - b. Tan dados ngentungan leluuan ke pekarangan anak lian miwah palemahan Desa.
- (4). Parade wenten Krama Desa Adat sane mamurug sekadi pidabdab ring ajeng, keni danda manut pararem.

Kaping 4

Indik Wewalungan

Pawos 30

- (1). Sehananing Krama Desa Adat sane miara wewalungan, patut sayaga nitenin wewalungan inucap mangda tan ngerusak padruwen anak sewos, bilih-bilih ngaletihin Kahyangan.
- (2). Tan kapatutang negulang wewalungan ring margi miwah genah sinanggeh suci.

- (3). Parade wenten Krama Desa Adat kacihnan mamurug pari indikan ring ajeng wenang kapalungguh utawi katiwakin denda manut pararem.

Kaping 5

Indik Bhaya

Pawos 31

Pari indikan sinanggeh bhaya luwire :

1. Jiwa bhaya.
2. Artha bhaya.
3. Geni bhaya.
4. Plagandangan.
5. Dure care ring agama, kasulurang manut pararem.

Pawos 32

Swadarman Prajuru lan Krama Desa Adat parade katiban/ ngemanguhang bhaya inucap ring ajeng kasulurang manut pararem.

1. Nepak kulkul manut katepakannya sane kepastika sekadi sane menggah ring pawos 18 (pelekutus).
2. Atur piuning ring Prajuru Adat.

Kaping 6

Penyanggran Banjar

Pawos 33

- (1). Krama Banjar sejebag Desa Adat Pasut nyanggra pekaryan suka duka kramannyane soang-soang jantos puput.

- (2). Tata cara penyanggra inucap manut kabuatan sang madue karya, kasulurang manut pararem.
- (3). Sang nungkasin keni danda manut pararem.

SARGA IV

SUKERTA TATA AGAMA

Palet 1

Indik Dewa Yadnya

Pawos 34

- (1). Palinggih panyiwian wawidangan Desa Adat sane kasung-kemin olih Desa Adat luwire :
 - a. Kahyangan Tiga (Pura Desa, Pura Puseh, Pura Dalem).
 - b. Pura Dayang.
- (2). Rahina piodalan Kahyangan miwah Palinggih ring ajeng luwire :
 - a. Pura Desa, rahine Buda Pahing Kuningan.
 - b. Pura Puseh, rahine Buda Pahing Kuningan.
 - c. Pura Dalem, rahine Anggara Kliwon Tambir.
 - d. Pura Dayang, rahine Soma Wage Julungwangi.
 - e. Palinggih wantilan, rahine Anggara Pon Kelawu.
- (3). Pangaci ring Kahyangan miwah Palinggih ring ajeng manut kecap sastra agama, sane kelaksanayang Nista, Madya, Utama, nginutin pawentenan lan manut pararem.

Pawos 35

- (1). Ring soang-soang Pura/Kahyangan miwah Palinggih, patut kamadegang Pemangku lan Pemangku penyade manut kabuatan madasar antuk pararem.

- (2). Ngadegang Pemangku nganutin dadudonan luwire :
 - a. Saking katurunan utawi ngawaris.
 - b. Nunas pawuwus utawi nyanjan.
 - c. Kapilih olih Adat manut pararem.
- (3). Tan kawenangang ngangge Pemangku luwire :
 - a. Ceda angga, kasulurang manut pararem.
 - b. Sakit ile, ayan, buduh, edan.
 - c. Sane maderbe kasucian urip tan becik.
- (4). Prabea ngadegang Pemangku upakarane adiksawidi, kamedalin lan kalaksanayang olih Krama Adat.
- (5). Risedan Pemangku riwekas kapatutang Desa Adat maweh dana tiwa-tiwa, agung alithnya manut pararem.
- (6). Pemangku patut ngamanggehang sesananing Pemangku.

Pawos 36

Swadarmaning Pemangku luwire :

1. Ngenterang Upakara ring Kahyangan miwah ring soang-soang pakubon Krama sane kasanggra olih Pemangku penyade.
2. Lianan ring Pemanku lan penyade tan kapatutang ngelaksanayang babuatan Pemangku, yan tan sangkaning pituduh Prajuru Adat.
3. Tan wenang salab sulub ring genahe sane sinanggeh letih. Parade mamurug wenang Pemangku inucap nyepuh raga.

4. Parade salah sinunggil Pemangku kapialang utawi cuntaka, pengacine kengin kamargiang olih Pemangku tiosan, Pemangku penyade, Pemangku sane sumaih sane katitenin olih Prajuru Adat.

Pawos 37

Olih-olihan Pemangku luwire :

1. Penyolasan miwah sarin canang, agung alitnya manut pararem.

Pawos 38

(1). Pemangku kagentosin riantukan :

- a. Seda.
- b. Pinunas ngeraga.
- c. Kawusang olih Krama Adat, reh melaksana tan patut (asta dusta). Indik ngawusang Pemangku inucap, kasulurang manut pararem.

(2). Parade Pemangku kawusang sangkaning melaksana asta dusta, keni pamidanda manut pararem saha ngewaliang prabon diksawidi pecak.

Pawos 39

Pasukertan Kahyangan luwire :

(1). Tan kalugra ngeranjing ring Kahyangan luwire :

- a. Sang katiban cuntaka, sebel saking ngeraga luwire :
 1. Ngeraja swala selami durung mebersih.
 2. Madruwe putra selami 42 (petang dasa kalih) rahina.

3. Pengantenan selami durung mebyokala (mesakapan alit).
4. Riantukan madruwe keluarga kapademan laminnya sedereng masepuh.
- b. Makta sehanan barang sane sianggeh ngeletehin, manut pararem.
- c. Sata agung sajawaning rikala mapapada.
- d. Mabusana sane tan manut kadi tataning ngaranjing Kahyangan.
- e. Paindakan sane tiosan olih Prajuru manut pararem.
- (2). Sang katiban cuntaka rikala nemonin karya ring Kahyangan, luput saking ayahan miwah reramon, kewanten keni urunan.
- (3). Pratingkahe tan wenang ring Kahyangan luwire :
 - a. Masumpah.
 - b. Makolem dados asiki lanang wadon, nyangsang busana, mecikang wastra, ngambahang rambut, mewarih, mebacin, marikosa, mayuda, mabawos bangras/mamisuh.
 - c. Mungguh miwah tedun ring Palinggih sajawaning pituduh saking Prajuru Adat.
- (4). Pengelaksana sasengker cuntaka inucap ring ajeng kasulurang antuk pararem.
- (5). Sang sapa sire ugi mamurug kadi bawos ring ajeng keni arta denda manut sastra Agama manut pararem.

Pawos 40

- (1). Yan wenten kerawuhan ring Pura, tan sangkaning nyanjan bilih ngewetuang biuta, wenang kadenda manut pararem.

- (2). Prade Kahyangan kahanan durmanggala minakadi kapanca baya lan sapanunggalnya, Pemangku patut digelis ngawentenang atur piuning ring Prajuru Adat.

Palet 2

Indik Rsi Yadnya

Pawos 41

- (1). Sang pacang madeg pandita lan pinandita mangda mapi-sadok ring Prajuru Adat.
- (2). Prajuru Adat patut ngawas utawi nitenin tur wenang ngalengin parade wenten kacihnan tungkas ring sastra Agama, dresta, tur sareng nyaksinin Upacara saha nyiarang ring paparuman Desa tegap rauhing wates-wates kawenangannya ngenterang yadnya.

Pawos 42

- (1). Sang sulinggih patut ngutamayang yadnya ring wawidangan Desa Adat sesampun wus punika wawu muputang ring tios Desa.
- (2). Krama Desa patut sareng nintenin katuntun antuk Prajuru Adat, mangda sehananing yadnya kaicen pamuput olih pandita lan pinandita, manut kawenangannya soang-soang.

Palet 3

Indik Pitra Yadnya

Pawos 43

- (1). Desa Adat patut nitenin sinalih tunggil Krama Desa ngelaksanayang Pitra Yadnya.
- (2). Tata cara nitenin inucap mapagamel ring sastra Agama nganutang ring dresta tur kapikukuh antuk krama.
- (3). Pemargin Pitra Yadnya lan pari laksanannya luwire :
 - a. Upakara sang kelayu sekar :
 1. Antuk mendem utawi ngeseng.
 2. Atiwa-tiwa.
 - b. Parilaksanaan lan tategenan Krama Adat luwire :
 1. Sang kandukitan patut masadok ring Prajuru Adat, nguningang perbuatan utawi nunas tatimbang.
 2. Prajuru Adat nepak kulkul maka cihna wenten Krama kelayu sekar, tatepakannya manut pawos 18.
 3. Penyanggran Krama Adat selanturnya luwire :
 - a. Tedun ngayah manut babuatan.
 - b. Nedunin antuk arta brana lan reramon, manut pararem.
 - c. Pangelaksana upakara kelayu sekar luwire :
 1. Sang kelayu sekar sane kaupakara nganutin yusa luwire :
 - a. Rare saking wawu embas jantos 3 (tigangsasih) utawi durung medal untu, patut kapendem pramangkin, tan ngetang larangan, tur patut ngalungah.

- b. Sane sampun ketus untu tur selanturnya patut kaaben.
2. Sang kelayu sekar sajeroning 7 (pitung) rahine, kengin kaabenang maupakara agung alit, sawaning wenten pari indik sewos sane katibakin olih Bendesa Adat manut pararem.
3. Sang kelayu sekar tan sareh mekadi salah pati, ngulah pati, upakarannya pateh sakadi sang kelayu sekar biasa, tur patut maweweh upakara panebusan.
4. Sajeroning Desa Adat mapendem/ngaben lintangan ring adiri ring arahine, tur sapanunggil setra, sane nampekan ring setra patut memargi dumunan.
5. Yening mapendem miwah ngaben, sane mapendem patut memargi dumunan tan ngetang doh tampek.
6. Ngalangkar watang tan dados, yan tan saha upacara Agama.
- d. Tan kapatutang nginepang bangbang sawa.
- e. Tan kapatutang mendem utawi ngeseng awak-awakan sawa sajeroning karang paumahan.
- f. Tan kapatutang ngenahang barang-barang sane ngele-
tehin manut sastra Agama ring karang paumahan,
miwah ring sawewengkon Desa Adat.

Pawos 44

Cuntaka utawi sebelan luwire :

1. Kelayu sekar luwire :

a. Kelayu sekar kapendem luwire ;

1. Cuntaka/sebel ke desa Adat selami 3 (tigang) rahina.
2. Cuntaka keluarganya selami 11 (solas) rahina
3. Yening rare sane durung kepus udel, laminnya petang dasa kalih rahina, marep ring guru rupakannya.

b. Kelayu sekar sane kaaben luwire :

1. Yan mawatang sawa ngawit saking cihna tepakan kulkul desa, jantos puput tigang rahina sah sawa sakeng salu (umah), kadulurin upacara prayascita.
2. Yan nangun ngawit saking ngentenin (ngangkid) yan tan puput tigang rahina sah sawa saking salu, kadulurin upacara pamerayascita.
2. Karuron, sane cuntaka keluarganya lanang miwah wadon, laminnya 42 (petang dasa kalih) rahina, tur sampun matirta pamerayascita.
3. Gamia gemana, sane cuntaka sang ngelaksanayang gamia gamana miwah Desa Adat, laminnya ngantos maupakara sesampun kawentenang pamerayascita raga, lan pamerayascita Desa Adat. Sang kacihsan melak-sana gamia gemana keni dewa denda lan artha denda manut pararem.

4. Anak istri mobot tan sinanggeh karan, cuntakannya
laminnya ngantos kawentenang upakara pabiyakaon.
5. Ngembasang putra sinanggeh karuron, laminnya
ngantos kawentenang upacara manut agama.
6. Cuntaka sad tatayi, sesampune pastika masolah ayu.
7. Sang sulinggih, pemangku Kahyangan Tiga, tan keneng
cuntaka.
8. Pemargin cuntaka-cuntaka ring ajeng, kasulurang
manut pararem.
9. Sang tungkas ring pidabdab, Desa ngenenin cuntaka,
keni denda manut pararem.

Palet 4

Indik Manusa Yadnya

Pawos 45

- (1). Manusa Yadnya inggih punika upacara-upacara darmaning
manusa ngawi saking pameton kamobang sajeroning garba
ngantos kelayu sekar riwekas.
- (2). Desa Adat nitenin sinalih tunggil krama ngelaksanayang
Manusa Yadnya.
- (3). Tata penyanggran desa ring sang lumaksana, mapagamel
ring sastra agama, tur ngemanutang ring dresta Desa
manut pararem.
- (4). Sang pacang ngelaksanayang Manusa Yadnya yan mabuat
mangda mesadok ring Prajuru.
- (5). Sang tungkas ring pidabdab Desa Adat, keni denda manut
pararem.

Palet 5

Indik Bhuta Yadnya

Pawos 46

- (1). Bhuta Yadnya inggih punika upacara-upacara biyakala ring pertiwi, Kahyangan, sarwa prani, sarwa babutan.
- (2). Upacara biyakala ring pertiwi, Kahyangan lan babutan kawastanin macaru.
- (3). Pecaruan inucap ring ajeng nista, madya, utama, manut wiguna kadi ring sor :
 - a. Eko sato.
 - b. Panca sato.
 - c. Panca sanak.
 - d. Rsi gana.
 - e. Panca kelud.
 - f. Tawur agung.
- (4). Upacara pabiyakala ring sarwa prani luwire :
 - a. Ring sarwa tumuwuh rikala tumpek pengatag (Saniscara Kliwon Wariga).
 - b. Ring sarwa ingon-ingon rikala tumpek kandang (Saniscara Kliwon Uye).
- (5). Desa Adat ngelaksanayang pemargin Bhuta Yadnya manut kabuatan desa muwah nitenin kabuatan sinalih tunggil kramane. Tata cara nitenin inucap kasulurang antuk pararem.

- (32). Sang pacang ngelaksanayang Bhuta Yadnya sane mabuat mangda masadok ring prajuru.
- (33). Sang mamurug pidabdab desa, keni denda manut pararem.

Pawos 47

- (34). Mangken ngewarsa rikalaning tilem kesanga kawentenang tawur kesanga.
- (35). Upacara penyepian sane kamargiang antuk Krama Desa Iuwire :
- a. Amati Geni, tan kengin maapi-api, sejawaning madruwe rare, kasineng kawonan, melarapan atur piuning ring Prajuru Adat.
 - b. Amati Karya, tan kengin nyambut karya.
 - c. Amati Lalanguan, tan kengin maoneng-onengan, masuara gora, lan sapanunggilnya.
 - d. Amati Lalungayan, tan kengin malalungaan.
- (36). Pabratan panyepian inucap kemargiang saking semeng ngantos wengine.
- (37). Riwus rahina nyepi kawastanin ngembak, maka cihna ngavit Icaka warsa, patut soang-soang warga desa sami ngaksama.
- (38). Sang mamurug pidabdab Desa, keni denda manut pararem.

SARGA V

SUKERTA TATA PAWONGAN

Palet 1

Indik Pawiwahan

Pawos 48

- (13). Pawiwahan inggih punika patamania purusa predana, patut melarapan panunggalan kayun suka cita, tresna katrestan tur kadulurin upasaksi sekala niskala.
- (14). Prajuru Adat nitenin sinalih tunggil krama ngelaksanayang pawiwahan.
- (15). Indik pawiwahan Desa Adat mapegambel ring Undang-Undang Nomor 1 tahun 1974, miwah PP Nomor 9 tahun 1975 indik pawiwahan.
- (16). Tata cara ngelaksanayang pawiwahan Desa Adat ngemanggehang sastra agama nganutang ring dresta Desa sahe kapikukuh ring pararem.
- (17). Sang pacang ngelaksanayang pawiwahan mangda mesadok ring Prajuru.
- (18). Sang mamurug pidabdab ring ajeng, patut keni denda manut pararem.

Palet 2

Indik Sentana

Pawos 49

- (19). Desa Adat nitenin sinalih tunggil Krama sane ngelaksanayang pasentanan.

134. Indik sentana, Desa Adat ngemanggehang manut ring dresta desa.
135. Tata cara penyanggran Desa Adat ring sang ngadegang sentana, kasulurang nganut pararem.
136. Sang pacang ngelaksanayang indik sentana patut masadok ring Prajuru.
137. Sang piwal ring pidabdab desa, keni denda manut pararem.

Palet 3

Indik Warisan

Pawos 50

138. Desa Adat Pasut nitenin sinalih tunggil krama sane ngelaksanayang pidabdab warisan.
139. Indik warisan, Desa Adat Pasut ngemanggehang uger-uger jagat, sastra agama, tur kaanutang ring dresta desa.
140. Tata cara penyanggran Desa Adat ring sang midabdabin warisan, kasulurang manut pararem.
141. Sang pacang ngelaksanayang indik pidabdab warisan, patut masadok ring Prajuru.
142. Sang piwal ring pidabdab desa, keni denda manut pararem.

SARGA VI

WICARA LAN PAMIDANDA

Palet 1

Indik Wicara

Pawos 51

- (1). Sang wenang mawosin makadi mutusang wicara ring Desa Adat inggih punika : pararem saking paparuman Desa Adat sane kasulurang antuk Prajuru.
- (2). Parade sang mawicara tan wenten cumpu ring pamutus kerta Desa, kengin nunasang wicara inucap ring sang rumawos.

Pawos 52

- (1). Sahanan wicara mawiwit kecorahan saha luwir sinanggeh nungkasin daging awig-awig, pasuara miwah pararem Desa Prajuru patut digelis mawosin tan nyantos pesadok.
- (2). Sejaba wicara kadi ring ajeng, patut nyantosin pesadok sang nunas bawos.
- (3). Panepase patut pastika nyantenang iwang patut mela-rapan Tri Premana (Saksi, Ilikita, Bukti), miwah tan maren nepak ring Catur Dresta.

Palet 2

Indik Pamidanda

Pawos 53

- (1). Desa Adat Pasut wenang niwakang pamidanda ring Krama Adat sane sisip.
- (2). Peniwak inucap kelaksanayang antuk Bendesa Adat.
- (3). Bacakan pamidanda luwire :

- a. Ayahan panukun kesisipan.
 - b. Denda arta.
 - c. Rerampagan.
 - d. Kanorayang.
 - e. Penyanggaskara.
- (4). Pamidanda sane katiwakang patut manut ring kasisipan.
- (5). Arta utawi raja brana pamidanda ngeranjing dados druwen Desa Adat.
- (6). Indik pamidanda kadi ring ajeng katitenin miwah kasulurang olih Prajuru madasar antuk pararem.

SARGA VII

NGUWAH-NGUWUHIN AWIG-AWIG

Pawos 54

- (1). Nguwah-nguwuhin Awig-Awig Desa Adat puniki kelaksanayang medasar antuk peparuman Desa Adat.
- (2). Awig-awig Desa Adat Pasut puniki kemargiang ngawit keingkupin (keraremin).

Pawos 55

- (1). Saka luiring sane wenten sederengnya patut kaanutang ring sedaging Awig-Awig puniki.
- (2). Saka luiring sane durung kabawos sejeroning Awig-Awig puniki, pacang kasurat ring paran.

SARGA VIII

P E N U T U P

Pawos 56

(1). Awig-Awig puniki keraremin duk ;

- a. R a h i n a : SOMO
- b. S a s i h : KAPAT.
- c. Icaka warsa : 1996
- d. Tanggal Masehi : 14 OKTOBER
- e. Magenah ring : DESA ADAT PASUT

(2). Awig-Awig puniki kelingga tanganin antuk Bendesa Adat Pasut, saha saksi-saksi lan pamikukuh manut kawenangan.

LUWIR SANG NGELINGGA TANGANIN

BENDESA ADAT PASUT

(I MADE SUTIRTA)

SAKSI-SAKSI

KEPALA DUSUN PASUT,

I WAYAN SUKARBA

KEPALA DUSUN PAKUJAJI,

I NYOMAN SUDARMA

KEPALA DESA MUNDEH KANGIN,
MUNDEH KANGIN

I NENGGAH SUBAWA

PARISADA HINDU DARMA
INDONESIA KECAMATAN
SELEMADEG,

I NENGGAH WIDEREDA

CAMAT SELEMADEG,

I WAYAN SUPARTHA, BA
NIP. 600004530

KAWIKANIN OLIH

1. BADAN PELAKSANA PEMBINA
LEMBAGA ADAT KABUPATEN

TABANAN,

Ketua

I MADE SUANDRA

2. PARISADA HINDU DARMA
INDONESIA KABUPATEN

TABANAN,

Ketua

DRS. ANI MADE SAMBA


KEPALA KANTOR DEPARTEMEN AGAMA
KABUPATEN TABANAN,
DEPARTEMEN AGAMA

TABANAN

DRS. PATMADE RADA LEGAWA

MURDANING PAMIKUKUH

BUPATI KEPALA DAERAH TINGKAT II TABANAN,

A handwritten signature in dark ink, appearing to read 'I Komang Wijana', is written over a faint, circular official stamp. The stamp contains text in Indonesian, including 'DAERAH TINGKAT II' and 'TABANAN', but it is mostly illegible due to fading.

I KOMANG WIJANA

WATES DESA ADAT PASUT

Wates sisi kaler dauh
margi tanah deruwen :
I Nengah Subawa.

Wates sisi kaler dangin
margi tanah deruwen :
Nang Kampiun

Sane delod wates dauh
margi anah deruwen :
Nang Suida


Sane delod wates dangin
margi tanah deruwen :
Desa Nyoman Raka.

Sane ngelingga tanganin perjanjian wates puniki

1. Kepala Dusun/Br. Mundeh Kawan,


I NYOMAN DASTIRA

2. Kepala Dusun/Br. Pakuaji,


I NYOMAN SUDARMA

3. Bendesa Adat Mundeh,


I WAYAN KEREDEK

4. Bendesa Adat Pasut,


I MADE SUTIRTA

KASAKSI ANTUK :
KEPALA DESA MUNDEH KANGIN,

I NENGHAH SUBAWA